



23 JUN, 2024

Jagung Kampung Binjai jadi pilihan pembeli

Sinar Harian, Malaysia

Jagung Kampung Binjai jadi pilihan pembeli

LIPIS - Keistimewaan ‘jagung Binjai’ yang dikatakan lebih manis berbanding jagung lain menyebabkan ia menjadi buruan pengunjung luar dan tempatan di daerah ini.

Diusahakan di atas tanah kira-kira 40 hektar oleh lebih 45 pengusaha yang merupakan anak jati Kampung Binjai, jagung itu juga memiliki tongkol bersaiz besar dan butiran isi yang padat.

Penduduk, Norazian Bakar, 54, berkata, majoriti pelanggan memberitahu kemanisan jagung tersebut memikat selera mereka untuk mendapatkan jagung Binjai setiap kali datang ke kampung berkenaan.

Norazian yang mengusaha-

kan tanaman tersebut sejak puluhan tahun dahulu mengakui ia adalah sumber pendapatan utama keluarganya.

“Tanaman ini memerlukan masa selama dua bulan 10 hari sebelum boleh dipetik dan dijual.

“Setiap ikat jagung mempunyai enam hingga tujuh tongkol dijual dengan harga RM10,” katanya.

Sementara itu, seorang lagi pengusaha, Ahmad Kitam, 62, mendakwa banjir juga memberikan kelebihan kepada tanah di kawasan tersebut.



Norazian menunjukkan ikatan tongkol jagung sedia dijual kepada pengunjung yang bertandang ke Kampung Binjai, Lipis.

“Tanah di sini cukup subur sebab ia sering dilanda banjir. Ia membawa baja dan mineral yang baik.

“Mungkin atas faktor itulah menyebabkan jagung Binjai lebih manis dan enak,” katanya yang mengusahakan tanaman jagung sejak lebih 20 tahun lalu.

Jelas Ahmad, bekalan benih jagung diperoleh dari Pertubuhan Peladang Kawasan Lipis, selain turut mendapat khidmat nasihat daripada Lembaga Pemasaran Pertanian Persekutuan (FAMA) dan Pejabat Pertanian Daerah untuk meningkatkan hasil tanaman.



23 JUN, 2024

Jagung Kampung Binjai jadi pilihan pembeli

Sinar Harian, Malaysia

SUMMARIES

LIPIS - Keistimewaan ‘jagung Binjai’ yang dikatakan lebih manis berbanding jagung lain menyebabkan ia menjadi buruan pengunjung luar dan tempatan di daerah ini. Diusahakan di atas tanah kira-kira 40 hektar oleh lebih 45 pengusaha yang merupakan anak jati Kampung Binjai, jagung itu juga memiliki tongkol bersaiz besar dan butiran isi yang padat.